

## He kura wai māori anake tō mātou kura

### Te Tikanga

#### *Whakaaronui ai mātou ki te hauora o ā mātou ākongā*

Ko te wai huka<sup>1</sup> tētahi o ngā tino kaikino e mate ai te Māori i te mate niho, otirā e tino momona ai, e mate huka Momo 2 ai te tamaiti.

#### *Whakaaronui ai mātou ki ō rātou whakatutukitanga*

He raruraru anō ō te inu wai huka. E ai ki ngā rangahau, nā te huakore o te kai e huakore ai te whai mātauranga.

### Tō mātou manawanui

*Ka āta whakarite mātou kia mārama, kia rite ngā kōrero ki ngā mātua me ngā ākongā mō te hiranga o ngā whiringa hauora me te pānga o te wai huka mā te:*

- whakaako tonu i ngā ākongā mō te hiranga o te whiringa inu hauora me ngā painga o te inu wai māori
- whakanui i te wai māori hei kōwhiringa pai i roto i ngā pānui kura
- whakarite kia ū ngā kaimahi ki te whakatauirā atu i te inu hauora.

#### *Waihoki ka whakarite mātou kia manaakitia tēnei āhuetanga mā:*

- te kaha whakahau kia kaua e haria te wai huka e ngā ākongā ki te kura
- te tuku ko te wai māori (me te miraka hinu iti) anake hei kōwhiringa inu mā ngā ākongā
- te whakaae kia whai wai māori ngā ākongā i ngā wā ako
- te kore piri o te kura ki ngā kaupapa whakanui wai huka
- te āta whakarite kia kaua e whai wāhi te wai huka i ngā kōwhiringa kai o te kura
- te āta whakarite kia inu wai māori anake ngā kapa tākaro o te kura hei whakawai i a rātou
- te kore hoko wai huka hei hoa hoko mō ngā kaupapa tunu tōtiti, hui taurima, hui whakanui rānei o te kura.

<sup>1</sup> Ko te inu whai whakareka, ko te tikanga he huka kei roto. Ko ngā momo inu whai huka ko ngā wai reka/inu-mirumiru reka, ngā inu-pāketē, ngā inu hua rākau, ngā wai rekareka, ngā miraka whai namunamuā, ngā wai whai tāwara, ngā inu tī mātao/inu kawhe mātao, me ngā inu whakapiki/tākaro hoki.